

آبونه شرائطی

ممالك عثمانیه ده سنه لکی (۶۵۱)، الق
آبونه ۱۳۴۱، غروشدور .

ممالك استعبدیه ده سنه لکی (۱۷۱)، الق
آیلخی (۹) فرانقدر .

اداره خانه

باب عالی جاده سنده دائره مخصوصه

اضطارات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدلمه بن یازیلر اعاده
اولونماز .



۱۳۳۰

اضطارات

رساله خردن آلمدیغی کو - ترمک شرطیه
بتون یازیلر هر هانکی بر خزنه طرفندن
اقتباس اولونه بیلیر .

§

مکتوبلرک، امضالرک واضح و اوقو ناقلی
اولمسی و آبونه صره نومردن محترمی
بولونمسی لازمدور .

§

ممالك اجمیهه ایچون آبونه اولانلرک
آدرس لریشک فرانسزجه ده یازلمسی دجا
اولنور .

§

پاره کوئدرلدیکی ز، ان نه یه د ژ اولدیغنک
واضعا بیلدیرلمسی دجا اولنور .

مع مافیه نجیب اولان بر قومه — ولو که منتسب اولسون — انتساب هر حالده موجب فخر ايسهده ، بن بوقومه منسوب دی به اقوام سائر اسلامیه بی تحقیر دخی عادیلکدن باشقه برشی اولمديغندن بوعادیلکی یانلر اوله نجیب بر قومه منسوبیت ادعا ایدرلر سه او قومک شرفنه بر نقیصه در . اوت، سن اکر بولندیگن قومک نجابتی اعلان ، تمامی ترقیسی ایسته یور ايسهک، او قومک شرف و نجابتی محل بر حرکتده ، ترقیسی منع ایده جک تفرقه ده بولمه که او قوم دخی سنک ایله افتخار ایتسون . بو کنج لک ناشر افکاری اولوب کچلرده انتشار ایدن النهضه غزیه سنک بر باش مقاله سنده «جامعه ترکیه» دی به بر مقاله مندرج و بومقاله ده دخی ترک لک انا طولیده ، قفقاسیه ، بخارا ، خیوه و ترکستان کیرده کی ترک لک ارسنده بر جامعه تشکیلنه صرف مساعی ایتدکلری و بونی عرب سیاستنه مغایر کوردیکی ایچون اوکا مقابل اولمق اوزره بر برستان ، یمن ، سوریه و عراق ده بر عرب جامعه سی تشکیلنه چالیشلمسی لازم کلدیکی بر فکر سیاست فروشانه ایله بیان ایدیور .

بز بوراده حقدن بشقه هیچ بر شیئه تابع اولیه رق سویله رزکه : ترک لک ساده قافقاسیا ، بخارا ، خیوه و قریمده بر ترکک جامعه سی تشکیلی ایچون دکل ؛ عینی زمانده هندده ، افغانستانده ، چینده ، افریقاده ، ایرانده بر جامعه اسلامیه تشکیلنه حصر مساعی ایتش بولنیورلر که بونی ده وقایع حالیه بی تعقیب ایدنلر ، غزیه لرده او قویانلر البتده بیلر و تقدیر ایدرلر . کچن سنه فاسدن فرانسزلر طرفندن اتحاد اسلام ایچون چالیشدکلری بهانه سیله اخراج اولنان ترک ضابطلری دکلای ایدی ؟ شو حالده ترک لک بو حرکتی نهدن فنا اولیور ؟ هم ترک لک ، هم عربلر عینی مقصدله عینی خط حرکتی تعقیب ایتسه لر می ده اای اولور ؛ یوقسه بر برینه دشمن ایکی غروب حالنده بولنسه لر می ؟ بوجهتی تقدیر ایتیه جک بر صاحب عقل بولنه بیلر می ؟ .

سیاست

اجمال سیاسی

حکومت عثمانیه کوز آچق ، کندیسنی طویلامق فرصتی ویرمه مه یه روسیه نك عزم ایتش اولدینی آرتق بتون وضوحی ایله تسین ایتمکده در . صوک هفتة اثناسنده وقوع بولان بتون حادثات پی در پی شو حقیقتی اثبات ایتدی . کورینیور که بزم بالقان حکومتلری ایله برر برر عقد صلح ایدره ک محاربه فجیعه نك نتایج الیمه سی حیثیت و منافع ملیه مزى محافظه صورتنده تسویه ایتمه مز ، بالاخره کندی داخلی ایشلریمزه توجیه فعالیت ایلهرک اصلاحات قطعیه ایله مملکتک جریجه لرینی التیامه قالدشمه مز ، روسیه نك ایشنه کلپور ، قومشومز دائماً بزى بر بارداق صو ایچنده بوغولور بر حالده کورمک ایسته یور . بزى ابدیاً غوائل ومشکلات ایچنده بولندیره رق ، سربستی حرکاتمزی تحدید ایدرک داخلی اصلاحاتله اوغراشمیه وقت بولما مزی آرزو ایدیور .

فیل کندی یاوروسنی انساندن زیاده سوه . آکا ال بیله طوقوندورمز . قوجه بر فیلک آرقه سنده و یاخود درت آیاغی آلتنده و یاننده بولسان یاخود یورویان کوچوک بر فیل کورمک قدر ظریف بر منظره اولماز . کوچوکنی بیقار ، اوقشار ، یدیرر ، امزیرر .

فیل صوک درجه خیالی و محجوب بر حیواندر . کیجه وقتی صوده نه رده . بر برلر یله چیفتلشیرلر . کوندوز و هرکسک کوزی اوکنده سائر حیوانلر کی چیفتلشیرلر . فیل شقای ، مزاحی ده سوه . فقط مزاحک آشوری درجه ده ، ادب و تربیه خارجنده اولماسنی آرزو ایدر . عکس تقدیرده کندیسنه قارشو استهزا و تحقیر ایدنلره شدتله معامله ایدر .

فیله دائر بر جوق حکایات و روایات واردر که ، جمله سنی بورایه درج ایده جک اولسم باشلیجه بر کتاب اولور .

فیلک مسایینی :

فیل سائر حیوانلردن زیاده حساسدر . فیلک بوتون حسی ، طویغوسی قوه لامسه سنده در . فیلک قوه لامسه سنک یکانه آتی ده خورطومیدر . اک آغیر شیلردن طوتوب ، ایکنه یه وارنجیه قدر خورطومیه قالدیرر . خورطومیه یکی آغزینه قور .

آغا جلری کوکندن خورطومیه قویارر . سلاحی ، آلتی ، هرشیی خورطومیدر . فیل قدر وفای بر حیوان اولماز . کندیسنه اوفاجق برشی — یمش و سائر — ویرن بر آدمی دائماً طایر و آکا تصادف ایدنجه حسیات منتدارانه سنی بیان ایتک ایچون الدن کلنی یاپار .

فیلک قیمتی بوراده یوز لیرادن بیک لیرایه قدردر .

سیلان آطه سنک قولومبو قصبه سندن : س . م . توفیق

مَطْبُوعَات

قومیت تفرقه سی

بغدادده منتشر « الزهور » غزیه سی « ترک ، عرب » عنوانی آلتنده یازدینی بر باش مقاله سنده وحدت اسلامیه بی اخلاص ایده بیله جک بر ماهیتده جریان ایدن تورکک و عربلق جریانلری شدتلی بر صورتده تنقید ایدیور . بعض تورک محررلری طرفندن یک دیگرینه ضد اولمادینی ادعا ایدیلن بوا یکی جریانک اوتدنبری قارده ش ، اوتدنبری یک دیگرینه ظهیر اوله رق کلن و بوتون مقدراته برابر قاتلانان بو ایکی اسلام عنصری آراسنده مدھش بر اوچوروم پیدا اولمغه باشلادیغنی ایلرو سوریور . تاریخک ایکی ایکیز قارداش کی قید ایتدیکی بوا یکی قومک هیچ بر سبب جدی اولمادینی حالده یالکز بعض منفعت برستلرک قورمش اولدقنری قومیت طوزاغنه دوشمکدن منع نفس ایدمه مدیکنه تأسفلر ایدیور . تورکک جریاتی اداره ایدنلر حقدنه هیچ برشی دیمه یور ايسهده ، عراق طرفلرنده عربلق جریانی باشنده بولنانلرک هنوز کندیلرینی اداره دن عاجز بر قاج مکتب چوجفندن عبارت اولدینی سویله یور . مقدرات ملتک بویه هنوز عقلی باشنه کلامش چوجقلر النده او یونجاق اولسنه ، بوکا مساعده ایدلسنه حیرت لر ایدیور . ونهایت مقاله سنه دوام ایله دیور که : « بولنلر عربلق ادعا ایتدکلری حالده هیچ بریسی مع التأسف نسل عربیه انتسابی قطعاً اثبات ایدمه مز لر .